



ATASSUT

UKA 2016/133-1

Siverth K. Heilmann

29. 09. 2016.

Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. xx, xx 2016-imeersoq. (Atuuffia aamma ilin-niakkat allat, nalunaarusiortarneq il.il.)

Inussutissarsiornermut, Suliffeqarnermut Niuernermut Nunanullu Allanut Naalakkersuisoq)

Kalaallit Nunaannut suliffissarsiortut killilersimaarneqarnissaat pillugit Inatsisartut inatsisaata allangortinneqarnissaanik Naalakkersuisut inatsisartunut saqqummiussaata pillugu imatut ATASSUT-miit naatsumik oqaaseqarfigissavarput.

Inatsisissatut siunnersuut innuttaasuniit, suliffeqarfinniit, sulisitsisuniit minnerunngitsumillu maani inimi inatsisartuni ilaatigut sakkortusinnaasumik eqqartortagarput Naalakkersuisuni qaqqinneqarpoq. ATASSUT-ip naleqqussaanerit tikilluaqqujuuaannarpai, taamaattorli aamma pingaartittuaannarlugu paaseqatigiissinnaaneq annerpaamik anguniarneqartuaannarnissaa kiisalu pisariaqarfiini avataaniit suliffissarsiorsinnaaneq mattutivinneqarsinnaanngitsoq.

Taamatut ATASSUT-miit tunngavilersuuteqartarpugut, nalunnginnatsigu qularutiginnigivillugulu, aalisarnerup iluani nunamilu suliffissaqartitsivilioqqikkaluttuinnartumi, sanaartornerup annertusiar-tortup nunatsinnullu siammarlugu ingerlallualeriar-tornerani, aatsitassarsiornermi, takornaria-qarnerullu iluani inuussutissarsiorneq suliffissaqartitsinerunissarlu tamanit nunaqavissunik amigaa-teqalertussaagatta.

Aalisarnerulluunniit iluinnaani, nunami suliffissuit pisortanik namminersortunillu pigineqartut nunaqavissunik sulisussanik pisariaqartitsileraluttuinnarfinni, arlaannaannilluunniit pisuutitsinngikka-luarluni suli suliffissaaleqisoqaraluartoq amigaa-teqarnerput piviusuusoq iluarsisariaqagarput aamma taamaappoq sanaartornerup iluani.

Aatsitassarsiornerup iluani paaasoqalerpat, nunaqavissunik sulisoqarnissamut piumasaqaateqar-pugut annertuumik, tamannalu iluatsippat, allanut aallartinniartunut sulisutigut piumasaqaatigut naammassineqarsinnaaneri piviusunnigortinneqarsinnaaneri ajornartorsiutigilissagippat qularutigi-neqassanngilaq. Assersuutitut ATASSUT-miit tikkuartarnikuuvarput, Maniitsup eqqaani Alcoa-p aatsitsiviliorlunissamik pilersaarutaa annertuumik tapersersugarput aallartissimagaluarpat, sanaar-tornerulluunniit nalaannaani, suliffissaaleqisut nunatsinniittut tamaasaluunniit atoraluarutsigit amigartussaasut tusartareerpasi.

ATASSUT-ip inuussutissarsiorneq, kommuune-ni inatsisartunilu nuna tamakkerlugu sulinermi pikkoriffigaa, suliffeqarfiit pioreersuni suliffinnillu nutaanik aallartitsisoqartillugu, qanimut suleqa-taaneq aqutissiuussinerlu, minnerunngitsumillu nunaqavissut sulisorinissaanut qularnaarinissa-mut ersarissumik pingaartitsinigut amerlasuutigut iluatsittarneri. Soorunami aamma kissaatigin-ngisaraluatsitut ingerlalersortoqaleraangat, qinikkatut piaartumik aaqqinniagassaqartarpoq aqutissiuusseqataanerlu avaqqunneqarsinnaaneq ajorpoq.

Suliffeqarfippassuit taakkulu sulisitsisutut siuttui sulisuusullu, qanoq ingerlaaseqartarneri tikillugit pulaakulagaanni pitsaaqutinik sanngeeqqutinillu paasisaqarfigissallugit ajornanngitsunnguusarpoq, sutigullu tamatigut qinikkatut akuliussunnigikkaluarluni ingerlanerliortoqaleraangat inatsisinik allannguisinnaaneq siunertarinagu, kaammattueqatigiinnikkut suleqatigiinnikkullu suliffeqarfiup tusiapittumik ingelanissaralua aaqqinneqarsinnaasarpoq, ajoraluartumilli aamma ajornartorsiuti-nik nangeqqiattumik pisoqartuaannartarluni.

ATASSUT-miit maluginiarparput, Naalackersuisut inatsisissamut annikitsumik allannguiniaarlutik ersarissaateqarlutik saqqummiussisut, tamannalu soorunami ilassilluarparput, kissaatigissalluguli, suliap aappassaaneerneaqannginnermini ataatsimiititaliami susassaqartumi peqqissaarullugu, tusarniaanermilu oqaaseqaatit akissutillu ilanngullugit nalilersorluarneqassasut.